

2023 оны 10-р сарын 06.

№ 2023/87.

1. Ерөнхий зүйл

1.1. Энэхүү гэрээг нэг талаас **Харилцаа холбооны зохицуулах хороо** /цаашид **"Зохицуулах хороо"** гэх/, нөгөө талаас 6021646 регистрийн дугаартай **Амгалан дулааны станц ТӨХК** /цаашид **"Эрхийн бичиг эзэмшигч"** гэх/-тэй Зохицуулах хорооны даргын 2023 оны А/142 тоот тушаалыг үндэслэн байгуулав.

1.2. Гэрээнд оролцогч талууд

ХАРИЛЦАА ХОЛБООНЫ ЗОХИЦУУЛАХ ХОРОО

Хаяг: Метро бизнес төв, А-корпус, 5 давхар, Бага тойруу, 6 дугаар хороо, Сүхбаатарын гудамж-13, Сүхбаатар дүүрэг, Улаанбаатар хот, 14201-0033, Монгол Улс
Утас: 304258
Факс: 327720
Веб хуудас: www.crc.gov.mn
Цахим шуудангийн хаяг: info@crc.gov.mn

АМГАЛАН ДУЛААНЫ СТАНЦ ТӨХК

Хаяг: Ус-15-1-0, 8-р хороо, Баянзүрх, Улаанбаатар 13260
Утас: 77111252, 99051334, 99063759
Веб хуудас:
Цахим шуудангийн хаяг: amgalan@ahp.energy.mn, bat_zaya@yahoo.com

1.3. Гэрээний хугацаа: 2023 оны 5 сарын 15-ны өдрөөс 2026 оны 5 сарын 15-ны өдрийн хооронд 3 жилийн хугацаатай байна.

2. Эрхийн бичгээр олгогдсон эрх хэмжээ

2.1. Эрхийн бичигт заагдсан давтамжийг байгууллагын дотоод хэрэглээнд харилцааны аналогич радио станцын зориулалтаар ашиглана.

Хамрах хүрээ: Улаанбаатар / Баянзүрх
Төхөөрөмжийн төрөл: 3.7Вт/38.0ш, 5.0Вт/31.0ш, 5.0Вт/39.0ш, 5.0Вт/5.0ш,
Радио давтамж: 458.1МГц, 458.4МГц, 458.675МГц,
Радио давтамжийн зурвасын өргөн: 25КГц, 25КГц, 25КГц
Технологийн төрөл: 5.0 Вт :75 (AN), 3.7 Вт :38 (AN)

2.2. Энэхүү эрхийн бичгээр зөвхөн Радио давтамж ашиглах эрх олгогдох бөгөөд нийтийн үйлчилгээ явуулах эрх олгогдохгүй болно.

3. Эрхийн бичгийн нөхцөлүүд

3.1. Эрхийн бичиг эзэмшигч нь Радио долгионы тухай хуулийн 19.2 (Радио давтамж ашиглах тусгай зөвшөөрөл, эрхийн бичиг эзэмшигчийн үүрэг)-д заасан үүрэг болон дараах нөхцөл шаардлагыг хангаж ажиллана.

3.1.1. Радио төхөөрөмжийг эрхийн бичигт заасан байрлалд байрлуулж, заасан давтамж эсвэл давтамжийн зурваст, заасан чадлаар ажиллуулна. Зохицуулах хороонд урьдчилан мэдэгдэхгүйгээр тоног төхөөрөмжийн үзүүлэлтийг өөрчлөхийг хориглоно.

3.1.2. Тухайн чиглэлээр Зохицуулах хорооноос баталсан радио давтамжийн зохицуулалтын чиглэл, нөхцөл шаардлага холбогдох стандартыг мөрдөж ажиллана.

3.2. Эрхийн бичиг эзэмшигч нь эрхийн бичгийн өргөдөлд хавсаргасан төлөвлөлт болон байршилд радио нэвтрүүлэх станцыг суурилуулна.

3.3. Зохицуулах хороо нь энэхүү эрхийн бичигт хамаарах чиглэлээр хууль, журам, тогтоол, шийдвэр, зохицуулалтын баримт бичиг, зохицуулалтын үйлчилгээний хөлс болон улсын



тэмдэгтийн хураамжийн хэмжээ, нөхцөл шаардлага, стандартад нэмэлт, өөрчлөлт, шинэчлэн найруулга орох эсвэл шинээр батлагдвал эрхийн бичиг эзэмшигчид (өөрийн веб хуудсаар эсхүл албан бичгээр) мэдээлэх ба эрхийн бичиг эзэмшигч нь дагаж мөрдөнө.

3.4. Үндэсний радио давтамжийн төлөвлөлтийн дагуу эрхийн бичгээр олгогдсон зурваст шинэ төрлийн үйлчилгээ нэвтэрсэн тохиолдолд энэхүү эрхийн бичгээр олгогдсон радио давтамжийн зурвасыг эргүүлэн авах эрхийг Зохицуулах хороо эдэлнэ.

3.5. Зохицуулах хороо нь хуваарилсан радио давтамжийн зурвасын харилцан нөлөөлөлгүй ажиллах баталгааг хариуцахгүй бөгөөд зөвхөн радио давтамжийн зохицуулалтыг хийнэ.

3.6. Эрхийн бичиг эзэмшигч нь Зохицуулах хорооноос баталсан баталгаажуулалтын журам, техникийн нөхцөл шаардлагыг мөрдөж ажиллах бөгөөд радио төхөөрөмж нь Зохицуулах хорооноос хүлээн зөвшөөрсөн Олон улсын баталгаажилтын байгууллагын тохирлын гэрчилгээтэй (эсвэл баталгаажилтын тэмдэглэгээтэй) болохыг Зохицуулах хороонд хянуулж, тэмдэг, холбогдох гэрчилгээг авсан байна.

4. Мэдээлэл ирүүлэх, шалгуулах

4.1. Эрхийн бичиг эзэмшигчийн хаяг, байршил, удирдлага, холбоо барих ажилтны мэдээлэл, хөрөнгө оруулагч, хувьцаа эзэмшигч өөрчлөгдсөн бол тухайн өөрчлөлт орсноос хойш 30 хоногийн дотор Зохицуулах хороонд бичгээр мэдэгдэнэ.

4.2. Эрхийн бичиг эзэмшигч нь Зохицуулах хорооноос тодорхой үндэслэлтэйгээр бичгээр шаардсаны дагуу энэхүү эрхийн бичигт хамаарах баримт бичиг эсхүл мэдээллийг тогтоосон хугацаанд нь үнэн зөв, бүрэн гүйцэд гаргаж ирүүлнэ.

4.3. Эрхийн бичиг эзэмшигч нь Зохицуулах хорооноос урьдчилан мэдэгдсэнийг үндэслэн энэхүү эрхийн бичгийн нөхцөл шаардлагын хэрэгжилтийг шалгуулах зорилгоор Зохицуулах хорооны ажилтныг ажлын байранд нэвтрэх, шаардсан баримт бичгийн хуулбарыг авах, тоног төхөөрөмжид хэмжилт шалгалт хийх нөхцөл бололцоогоор хангана.

5. Эрхийн бичгийн төлбөр

5.1. Эрхийн бичиг эзэмшигч нь Радио долгионы тухай хуулийн 5.2.3, 5¹.1.10-т заасан журмын дагуу Радио давтамж ашигласны эхний жилийн төлбөрийг холбогдох үзүүлэлтүүдийг үндэслэж шинэчлэн тооцоолсон Хавсралт 1-т заасны дагуу Голомт банкин дахь Зохицуулах хорооны 1102626829 тоот дансанд төлнө.

5.2. Эрхийн бичиг эзэмшигч нь ээлжит жилийн төлбөрийг жил бүрийн эрхийн бичиг олгосон тухай шийдвэр гарсан өдрөөс / 5 сарын 15-ны өдөр/ нэг сарын өмнө төлнө.

5.3. Энэхүү гэрээний 5.1-д заасан төлбөрийн хэмжээнд өөрчлөлт орсон тохиолдолд төлбөрийг тухай бүр тооцоолж энэ гэрээнд хавсаргана.

5.4. Эрхийн бичиг эзэмшигч нь хууль, энэхүү гэрээ, нэхэмжлэхэд заасан хугацаанд төлбөрөө бүрэн барагдуулаагүй, төлбөрийн зөрчилтэй тохиолдолд Монгол банкны зээлийн мэдээллийн санд шилжүүлнэ.

6. Сунгуулах ба шилжүүлэх

6.1. Эрхийн бичгийн хугацааг сунгуулах бол хүсэлтээ энэхүү эрхийн бичгийн хугацаа дуусахаас 30 буюу түүнээс дээш хоногийн өмнө гаргах ба холбогдох журмын дагуу шаардлагатай өргөдөл, баримт материалыг бүрдүүлж ирүүлнэ.


6.2. Эрхийн бичигт нэмэлт өөрчлөлт оруулах, түдгэлзүүлэх, хүчингүй болгох зэрэг эрхийн бичигтэй холбоотой асуудлыг Зөвшөөрлийн тухай хууль, Харилцаа холбооны тухай, Радио долгионы тухай хууль болон бусад хууль, тэдгээрт нийцүүлэн баталсан Зохицуулах хорооны "Харилцаа холбооны салбарт үйл ажиллагаа эрхлэх зөвшөөрлийн журам"-аар зохицуулна.

6.3. Эрхийн бичгийг бусдад шилжүүлэхийг хориглоно.

7. Давагдашгүй хүчин зүйл

7.1. Эрхийн бичиг эзэмшигч нь гэрээний үүргийг биелүүлэхэд саад болох давагдашгүй хүчин зүйл (үер, газар хөдлөлт, гал түймэр, зэвсэгт мөргөлдөөн, ажил хаялт гэх мэт) үүссэн, дууссан тухай Зохицуулах хороонд даруй бичгээр мэдэгдэнэ.

7.2. Зохицуулах хороо нь давагдашгүй хүчин зүйлийн шалтгаанаар биелэгдэх боломжгүй үүргийг түр зогсоох ба эрхийн бичиг эзэмшигч нь давагдашгүй хүчин зүйлийн хугацаанд эдгээр үүрэгт хариуцлага хүлээхгүй.



8.Маргаан шийдвэрлэх

8.1.Энэхүү эрхийн бичгийн гэрээтэй холбоотой маргааныг талууд Зөвшөөрлийн тухай хууль, Зөрчлийн тухай хууль, Харилцаа холбооны тухай хууль, Радио долгионы тухай хууль болон бусад холбогдох Монгол Улсын хууль, тогтоомж, шийдвэрүүдийн хүрээнд шийдвэрлэхийг эрмэлзэнэ.

8.2.Талууд маргааныг шийдвэрлэж чадахгүй бол маргааныг шүүхэд шилжүүлнэ. Шүүхийн шийдвэр эцсийн байх ба талууд түүнийг биелүүлэх үүрэгтэй.


9.Хариуцлага

9.1.Эрхийн бичиг эзэмшигч нь Харилцаа холбооны тухай хууль, Радио долгионы тухай хууль бусад холбогдох хууль, тогтоомж, энэхүү гэрээ, эрхийн бичгийн нөхцөл шаардлагыг зөрчсөн бол тухайн хуулийн дагуу холбогдох захиргааны хариуцлага хүлээлгэх, эрхийн бичгийг түдгэлзүүлэх, хүчингүй болгох зэрэг арга хэмжээг авна.

ХАРИЛЦАА ХОЛБООНЫ
ЗОХИЦУУЛАХ ХОРООГ ТӨЛӨӨЛЖ:




Г.ЧИНЗОРИГ
ДАРГА



АМГАЛАН ДУЛААНЫ СТАНЦ ТӨХК -Г
ТӨЛӨӨЛЖ:



М.МӨНХӨӨ
ГҮЙЦЭТГЭХ ЗАХИРАЛ



1. Радио давтамж ашиглах энгийн зөвшөөрлийн (эрхийн бичиг) төлбөрийг Цахим хөгжил, харилцаа холбооны сайдын 2022 оны А/37 тоот тушаалаар батлагдсан “Радио давтамжийн ашиглалт, үйлчилгээний төлбөр тогтоох журам”-ын дагуу дараах томъёоллоор тооцно. Үүнд:

$$P_c = (F + P + T)$$

F – Радио давтамжийн зурвас ашиглалтын төлбөр

P – Радио нэвтрүүлэгчийн гаралтын чадлын төлбөр

T – Төрөл ангилал / хамрах хүрээний төлбөр

Төлбөрийн хэмжээг ХХЗХ-ны 2020 оны 71 дүгээр тогтоолоор батлагдсан “Радио давтамж ашиглалтын төлбөрийн хэмжээ”-ний дагуу тооцов.

2. Энэхүү хавсралтаар дурдсан төлбөр нь тушаал гарсан өдрөөс хойш 1 жилийн хугацааны төлбөр болно.
3. Ангилал: Харилцааны станц
4. Радио давтамж ашиглалтын төлбөрийн тооцоолол:

P _c	Заалт	Төлбөрийн хэмжээ	Өгөгдөл	Төлбөр
F	2.1.1	12-36 кгц-ийн зурвас тутамд = 45000₮	3 суваг	135,000.00
P	2.1.2	1-5 Вт хүртэл станц тутамд = 20000₮	5 Вт 75 станц 3.7 Вт 38 станц	2,260,000.00
T	2.1.3	Аналог 5 Вт хүртэлх станц тутамд = 10000₮	Аналоги 5Вт бага чадалтай = 113 ш	1,130,000.00
Радио давтамж ашиглалтын 1 жилийн төлбөр:				
P_c = F+P+T =				3,525,000.00

5. Баталгаажуулалт:

Төлбөрийг тооцоолсон РДЗХГ-ын мэргэжилтэн: Б.Цэрэндулам /2023.5.15/

Төлбөр тооцоотой танилцаж, хүлээн зөвшөөрсөн:

Албан тушаал:

Огноо: Гарын үсэг:



ХАРИЛЦАА ХОЛБООНЫ ЗОХИЦУУЛАХ ХОРОО РАДИО ДАВТАМЖ АШИГЛАХ ЭРХИЙН БИЧИГ

Дугаар 20512008

Ашиглах радио давтамж

458.100 МГц, 458.400 МГц, 458.675 МГц

- АМГАЛАН ДУЛААНЫ СТАНЦ ТӨХК**
Регистрийн дугаар: 6021646
(Зөвшөөрөл эзэмшигчийн нэр, регистрийн дугаар)
- Ус-15-1-0, 8 дугаар хороо,
Баянзүрх дүүрэг, Улаанбаатар хот 13260, Монгол Улс
Утас: 77111252, 99051334, 99063759
(Зөвшөөрөл эзэмшигчийн хаяг, утасны дугаар)
- | | | |
|--------------------------------|-----|-------|
| ADC Motorola /гар станц/ | 5ш | 5Вт |
| Motorola SMP 418 /гар станц/ | 31ш | 5Вт |
| Telt N-608 /гар станц/ | 39ш | 5Вт |
| Baofeng BF x3 plus /гар станц/ | 38ш | 3.7Вт |

(радио төхөөрөмжийн төрөл, тоо ширхэг, чадал)
- Улаанбаатар хотын Баянзүрх дүүргийн нутаг дэвсгэрийг хамарна.
(радио төхөөрөмжийн байршил, хамрах нутаг дэвсгэр)
- Дотоод хэрэглээнд харилцааны аналог
радио станцын зориулалтаар ашиглана.
(радио төхөөрөмжийн ашиглалтын зориулалт)
- ХХЗХ-ны даргын 2023 оны А/142 тоот тушаал
(Эрхийн бичиг олгосон шийдвэрийн огноо, дугаар)
- Эхлэх 2023.05.15 Дуусах 2026.05.15

Эрхийн бичиг нь гэрээний хамт хүчинтэй.

ХАРИЛЦАА ХОЛБООНЫ
ЗОХИЦУУЛАХ ХОРООНЫ ДАРГА

Г.ЧИНЗОРИГ



Эрхийн бичиг олгосон огноо
2023 оны 09 дүгээр сарын 28-ны өдөр